

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 62 (1977)
Heft: 8

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

Puspei dat igl Ischi semestril caschun ad in giuven scriptur da sepresen-
tar. Cun sias duas skizzas DISCUORS e PATRATGS EN PIGLIOLA va
Anton Camenisch da Rueun empau per novas vias, era pertuccont la
presentaziun grafica. Omisdus texts aviseschan la carezia e la via diffi-
cila ch'ei da percuorer per contonscher ella muort las difficultads da
communicaziun denter ils carstgauns. – La cumbinaziun d'in lungatg
ord la sfera purila e la veta mundana dalla bar dat alla historietta LA
MARIA da *Theo Candinas* ina tut atgna tempra. Quella satira fuva atgna-
mein previda pil Calender Romontsch, ella ei denton vegnida renviada
perquei ch'ella corrispundi memia fetg alla realitad. *Iso Camartin* ter-
minescha ad interim ses artechels pertuccont la litteratura romontscha
egl Ischi semestril cun ina risposta a Marcus Defuns ed ina proposta a
Felix Giger (mira Ischi semestril nr. 6 e 7). Che lungatg e litteratura ro-
montscha san aunc captivar demuossa l'interessanta contribuziun da
Jürgen Rolshoven dalla Universitad da Cologne. Siu artechel LUNGATG
DALLA MUMMA E REFLEXIUN SUR DIL LUNGATG TIER G.C. MUOTH
ha Rolshoven concepiu sez per romontsch. Sur *Felici Maissen* sefa-
tschenta quella gada cun la detga romontscha. El dilucidescha co, nua
e pertgei il giavel cumpara en nossas detgas. Sur *Giosch Albrecht* da
Rueun, a Wädenswil, ch'ha dacuort publicau sia dissertaziun sur dalla
integraziun sociala dils vegls, sefatschenta era schiglioc cun problems
socials. En quei artechel tracta el ils PREGIUDEZIS SOCIALS E LUR
CONSEQUENZAS. Sut LEGASTENIA capeschan ins en general las dif-
ficultads da leger e scriver. *Pieder Caduff* emprova da definir quei fe-
nomen e da mussar vias d'agid pils scolars ch'ein mudergiai da diffi-
cultads da tal gener. En sia CRONICA lai *Norbert Berther* puspei reviver
eveniments e fatgs che pertuccan la Surselva.

L'entschatta settember 77 ei fin da redacziun pil proxim numer.

